



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 412  
fax. +387 33 726 414  
e – mail: [info@voda.ba](mailto:info@voda.ba)

Broj: **UP-I/25-1-40-281-6/21**

Datum: **07.10.2021. god.**

«Agencija za vodno područje rijeke Save» Sarajevo rješavajući po zahtjevu Ministarstva saobraćaja Kantona Sarajevo – Direkcija za puteve za donošenje rješenja o prethodnoj vodnoj saglasnosti za rekonstrukciju regionalnog puta R-445, dionica: pružni prelaz – „Alića Han” – most Gnionica, u dužini cca 440 m, na osnovu člana 109. stav 1. tačka 2. i 9. Zakona o vodama («Službene novine Federacije BiH» broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 49/99) donosi

### **RJEŠENJE** **o prethodnoj vodnoj saglasnosti**

1. Ministarstvu saobraćaja Kantona Sarajevo – Direkcija za puteve daje se prethodna vodna saglasnost za rekonstrukciju regionalnog puta R-445, dionica: pružni prelaz – „Alića Han” – most Gnionica, u dužini cca 440 m, a u postupku pribavljanja urbanističke saglasnosti i okolinske dozvole.
2. Prethodna vodna saglasnost se odnosi na rekonstrukciju puta i prikupljanje, tretman i konačnu dispoziciju oborinskih voda u površinske vode, za dionicu definisanu u tački 1.
3. Prethodna vodna saglasnost se daje na osnovu pregleda dostavljene dokumentacije (Glavni projekat unutrašnje odvodnje trase i raskršća, urađena od strane IPSA INSTITUT d.o.o. Sarajevo, januar 2021. g.), utvrđenog činjeničnog stanja i pod sljedećim uslovima:
  - 3.1. Izraditi i revidovati investiciono-tehničku dokumentaciju na nivou potrebnom za pribavljanje odobrenja za građenje-rekonstrukciju u kojoj će se dati tehnička rješenja koja se odnose na problematiku voda, odnosno: način prikupljanja, tretmana i ispuštanja oborinskih voda sa kolovozne konstrukcije i vanjske odvodnje sa gravitirajućih slivnih površina, način ukrštanja planirane saobraćajnice sa povremenim i stalnim vodotocima, te dimenzioniranje propusta, provjeru uslova obezbjeđenja proticaja utvrđenih velikih voda  $Q_{1/100}$  ispod trupa saobraćajnice (propusti), sve u skladu sa propisima koji važe za ovu vrstu radova.
  - 3.2. Investiciono-tehnička dokumentacija za predmetne radove iz tačke 1. ovog Rješenja u dijelu koji se odnosi na zaštitu voda i zaštitu od voda, treba biti urađena od strane ovlaštenog pravnog lica i revidirana od strane drugog pravnog lica, oba sa „liste A” Fedralnog ministarstva poljoprivrede, vodoprivrede i šumarstva, a sve u skladu sa članom 5. stav (2) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH”, broj 31/15, 55/19 i 41/20).
  - 3.3. Projektnom dokumentacijom treba definisati način prikupljanja, tretmana i ispuštanja oborinskih onečišćenih voda sa saobraćajnice i pripadajućih površina ceste u podužnom i poprečnom smislu (podužni kanali, jarci, rigoli, propusti i sl.). U sklopu projekta treba dati hidraulički proračun koji će definisati količine vode koje se mogu pojaviti u formi oborina, koje je potrebno nakon tretmana odvesti do prijemnika.
  - 3.4. Sagledati sve moguće neželjene uticaje na planirani objekat i planiranog objekta na druge objekte i postrojenja, stečena prava korisnika, postojeću infrastrukturu, naselja i slično, te dati prijedlog mjera za sprječavanje tih uticaja u toku radova na izgradnji obilaznice.
  - 3.5. U cilju efikasne odvodnje oborinskih voda sa saobraćajnice i voda iz zaleđa, potrebno je predvidjeti na ulaznim građevinama propusta ispod saobraćajnice taložnike za odvajanje taloživih materijala i krupnog otpada koji dospjevaju u otvoreni sistem odvodnje.
  - 3.6. U sklopu projekta treba dati hidrološki proračun kojim će se definirati količine vode koje se mogu pojaviti u formi oborina, povremenih ili stalnih površinskih tokova koje je potrebno regulisati, odnosno propustiti ispod trupa saobraćajnice (propusti) i osigurati bezbjedno oticanje.

- 3.7. Za prikupljene zauljene vode sa saobraćajnice potrebno je predvidjeti odgovarajući tretman na separatoru, takvih karakteristika da kvalitet efluenta obavezno mora da zadovolji granične vrijednosti kvaliteta propisane u članu 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20). Projektom dati proračun potrebnog kapaciteta separatora ulja i masti na svim ispustima i njihovu lokaciju ugradnje. Nakon separatora ulja i masti, prije ispusta, predvidjeti izgradnju monitoring okna koje će poslužiti za kontrolu rada istog. Lokacija separatora treba da bude takva da se omogući pristup auto - cisterni u cilju čišćenja i održavanja istog. Nakon tretmana na separatoru ulja ispuštanje tretiranih voda planirati u površinska vodna tijela ili sistem odvodnje do istih.
- 3.8. Trasa saobraćajnice treba biti izvan granica vodnog dobra, odnosno linije dopiranja stogodišnjih voda. Ukoliko se iz bilo kojih razloga ovaj zahtjev ne može zadovoljiti, svako približavanje koritu rijeka podrazumijeva dodatnu analizu uticaja velikih voda rijeke Bosne i Gornice na trup saobraćajnice, te po potrebi predvidjeti i obraditi dio koji se odnosi na regulaciju/uređenje korita vodotoka s kojim je trasa saobraćajnice u koliziji.
- 3.9. Predmetna trasa putne komunikacije mora biti usklađena sa prostorno planskom dokumentacijom i razvojnim planovima za predmetno područje.
- 3.10. U slučaju eventualnog prolaska trase saobraćajnice kroz vodozaštitne zone i zone izvorišta pitke vode posebnu pažnju obratiti da se poduzmu adekvatne mjere zaštite. Rješenje saobraćajnice na takvim prostorima treba dati tako da se tokom građenja i korištenja iste na naruši kvalitativno – kvantitativni režim izvorišta i omogući njihovo dalje korištenje.
- 3.11. Potrebno je predvidjeti adekvatno osiguranje ulivne i izlivne glave projektovanih propusta. Konstruktivne elemente propusta prilagoditi morfološkim i geološkim karakteristikama terena te specifičnostima vodotoka u koji se upuštaju vode iz propusta.
- 3.12. U projektnoj dokumentaciji definisati lokalitete – pozajmišta materijala sa kojih će se dovoziti materijal za trup ceste, odnosno lokalitete na kojima će se deponovati višak materijala. Nije dozvoljeno deponovanje materijala uz obale vodotoka i u vodnom dobru. Deponovanje materijala rješavati na način da se ne remeti prirodni režim voda.
- 3.13. Trasa planirane saobraćajnice treba da bude usklađena sa ostalom infrastrukturom (elektro, gasovodi, vodovod, telefon i sl.), a za sve eventualne kolizije i ukrštanja sa istom, treba se pribaviti saglasnost vlasnika infrastrukturnih objekata ili organizacijom koja njima upravlja.
4. Po izradi investiciono-tehničke dokumentacije, u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti.
5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), i to:
  - 5.1. Revidovana Investiciono-tehnička dokumentacija u skladu sa uslovima navedenim u tački 3. ovog Rješenja.
  - 5.2. Rješenje o urbanističkoj saglasnosti i okolinskoj dozvoli za predmetnu saobraćajnicu
  - 5.3. Dokaz o izvršenoj uplati upravne pristojbe u iznosu od 60 KM.
6. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## Obrazloženje

Ministarstvo saobraćaja Kantona Sarajevo – Direkcija za puteve se obratilo ovoj Agenciji sa zahtjevom za donošenje Rješenja o prethodnoj vodnoj saglasnosti za rekonstrukciju regionalnog puta R-445, dionica: pružni prelaz – „Alića Han” – most Gnionica, u dužini cca 440 m, a u postupku pribavljanja urbanističke saglasnosti i okolinske dozvole.

U provedenom postupku dostavljena je i pregledana slijedeća dokumentacija:

A. Opšta dokumentacija:

- Kopija Uvjerenja o poreznoj registraciji donesenog od strane Porezne uprave – Kantonalni ured Sarajevo, 30.04.2008. godine;
- Dokaz o uplaćenju upravnoj pristojbi.

B. Tehnička dokumentacija:

- Studija za izdavanje prethodne vodne saglasnosti za rekonstrukciju regionalnog puta R-445 dionica: pružni prelaz – „Alića Han” – most Gnionica, L = 440 m, urađena od strane „EDI-ING” d.o.o. Donji Vakuf, juni 2021. godine;
- Kopija popisa parcela, kopije ZK izvadaka i kopije Katastarskih planova;
- Kopija Načelne saglasnosti za izvođenje radova na Rekonstrukciji date od strane JKP Vodostan d.o.o. Ilijaš;
- Kopija Zahtjeva za ustanovljavanje prava služnosti na javnom dobru, dostavljen od strane Federalnog ministarstva poljoprivrede, vodoprivrede i šumarstva Agenciji za vodno područje rijeke Save, broj: 07-2-21/4-1706/20 V.M. dana 17.11.2020. godine;
- Kopija zahtjeva za saglasnost za ustanovljavanje prava služnosti na javnom vodnom dobru – Izjašnjenje Agencije za vodno područje rijeke Save, broj: 10-1329-2/20 dana 06.12.2020. godine;
- Kopija Izjašnjenja o nepotpunoj eksproprijaciji ustanovljavanjem prava služnosti na javnom vodnom dobru datog od strane Federalnog ministarstva poljoprivrede, vodoprivrede i šumarstva Službi za imovinsko-pravne poslove, geodetske poslove i katastar Općine Ilijaš, broj: 07-2-21/1-1706-1/20 V.M. dana 10.12.2020. godine;
- Kopija Situacije odvodnje na katastru podzemnih instalacija;
- Izmjene i dopune regulacionog plana „Banovac”, odvodnja otpadnih i oborinskih voda na predmetnom potezu „Alića han – Gnionica”;

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH”, broj 31/15, 55/19 i 41/20) o zahtjevu je dana 24.08.2021. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo, te dana 25.08.2021. u dnevnom glasilu „OSLOBODENJE”. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

Na predmetnom lokalitetu planirana je rekonstrukcija dijela regionalne ceste od pružnog prelaza – Alića han do mosta Gnionica u dužini od L = 440 m.

Kroz postupak donošenja rješenja o prethodnoj vodnoj saglasnosti je odlučeno o postojanju uvjeta za realizaciju planiranih objekata prema podnesenom zahtjevu i propisani su uslovi koje mora ispuniti projektna dokumentacija koja obrađuje dio koji se odnosi na: izvedbu zatvorenog sistema kanalizacije za prikupljanje, tretman i konačnu dispoziciju oborinskih voda sa kolovoznih i slivnih površina trotoara, te mjere za umanjivanje i sprečavanje negativnih uticaja koji nastaju izgradnjom ovakvog objekta na režim oticanja voda (površinskih i podzemnih), eventualnih uticaja na postojeće objekte, stečena prava postojećih korisnika, na planirane objekte i okolinu sa mjerama za ublažavanje tih uticaja.

Na osnovu utvrđenog činjeničnog stanja i dostavljene dokumentacije, a u svrhu omogućavanja korištenja voda i prostora vodnog dobra, te smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, propisani uslovi koje je Investitor dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

Uzimajući u obzir naprijed navedeno, a shodno odredbama člana 111. Zakona o vodama («Službene novine Federacije BiH», broj 70/06) te člana 5. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20) riješeno je kao u dispozitivu ovog rješenja.

Podnosilac zahtjeva je uplatio upravnu pristojbu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

#### **UPUTA O PRAVNOM LIJEKU:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju  
Rukovodilac sektora za izdavanje  
vodnih akata  
  
*Haris Ališehović*  
Haris Ališehović, dipl.inž.građ.

Dostaviti:

- Ministarstvo saobraćaja Kantona Sarajevo – Direkcija za puteve, Hamida Dizdara 1, 71000 Sarajevo
- Služba za prostorno uređenje i zaštitu okoliša općine Ilijaš, ul.126. Ilijaške brogade 6, 71380 Ilijaš
- Ⓢ AVP Sava, ISV - Vodna knjiga
- Sektor 40, arhiva
- AVP Sava - Oglasna ploča